

松鶴山房文集

松鶴山房文集卷之一目錄

擬詔

御試擬督撫薦舉廉能以興吏治詔

頌

擬

駕幸闕里釋奠頌

擬

聖太后萬壽頌有引

恭讀

御製詩集頌

有序

箴

敬天勤民箴

有序癸丑年恭進

表

擬

上以漠北蕩平

允廷臣請勒石紀功廷臣

賀表

擬

上命纂修明史告成廷臣

進表

擬

上預蠲湖南三十九年地丁錢糧欲使民

羣臣

謝表

擬

上念昇平五十載文教日盛

特旨蠲免各直省地方錢糧又

特旨各直省鄉試廣額羣臣

謝表 康熙五十年

疏

三十八年正月二十一日疏

擬陳奉天事宜疏

擬陳防海事宜疏

甲申仲春

四十四年五月疏

告假疏

四十八年二月請假疏

四十九年請假疏

一卷目錄終

擬詔

御試

擬督撫薦舉廉能以興吏治詔

庚戌季春

朕惟安民必先察吏。周官六計以廉爲先。子輿論治。惟能是使。由來尚矣。朕夙夜孜孜。勤求治理。而閭閻未盡阜康。風俗未盡丕變。獄訟未盡衰息。得無親民長吏。漠不加之意。而澤不下究。歟抑鼓勵或闕。廉能之君子。多壅於上聞。耶何吏治之。不古若也。夫三年計典。加以舉劾。豈乏激揚。而吏不加勸。意者舉錯失實。所謂廉者。未必廉。能者。未必能也。督撫封疆表帥。

尚其正己率屬。虛公採訪。毋務苞苴。毋徇情面。毋任胥吏。果其清望允孚。吏績懋著。卽特疏奏。聞從優遷擢。以弘獎勵。庶民生有賴。無負朕嘉惠元元至意。其有知而不舉。舉而多乖。坐以欺蔽之罪。爾其勗哉。得一道人曰。委折深厚。得漢人之意。而澤以近今之

筆宜其雅俗共賞

頌

擬

駕幸闕里釋奠頌

臣聞圖書權輿義昊精一授受唐虞自是三代哲王。皆睿聖繼天懋建皇極治統既崇道統聿煥東周孔子秉鐸洙泗贊修刪定羣聖集成子興傳心有宋諸賢遠紹丕緒三代以降道在師儒漢高太牢崇祀明章拜老臨雍唐宗講藝投戈宋祖修文偃武雖崇儒有典而大道未弘然則師承尼父齊軌勳華使二儀

運昌七曜增炳首出
聖神端在今日伏惟我

太祖高皇帝肇創丕基
太宗文皇帝恢弘大業

盛京締建首崇

文廟萬年文治實始基焉

世祖章皇帝一統區夏重道崇儒我

皇上臨御以來孝養

兩宮歡同萬國誠禋

九廟貺

協三靈。義文奧。旨典誥。鉅經挾。蘊洞微。精粗一貫。猶復明揚巖岫。咨訪臣工。師濟盈廷。鳳麟在藪。固已梯航八荒。共球六合矣。扈頑梗。夏百蠱。干虞井底。稱雄夜郎。自大。

天威有赫

廟算

神運命。將授鉞。妖氛澄廓。寰海內外。悉主悉臣。日南奉琛。月支款轂。不難泥金。檢玉鋪揚。鴻鉅乃陋。秦漢之封禪。修虞周之時邁。痼瘼民瘼。詢俗觀風。屯七萃。駕六飛。陟岱宗。瞻闕里。篤高山景行之慕。邇祖述憲。

章之隆

勅誨

嘉辰虔共鬱鬯。燎火初升。靈爽斯格。

皇情

肅穆。

宸翰

輝煌俎豆。光騰宮牆。瑞靄復進。聖裔講席。榮開說禮。

寵命

陳詩簡英。擢俊視漢。元褒成之錫。晉武奉聖之封。溥加禮秩。異數蓋自書契以來。尊聖宗儒。無逾此日。

皇上

扈從臣工。集觀岳牧。鱗聚駢瞻。莫不忭躍咨嗟。同聲咏嘆。曰。尼山集成羣聖作師于昔我。統貫百王作君于今。治統道統分而復合。皇哉唐哉。

浩蕩。

雲就

日之

天章

萬世一時也。願聲之作。烏可以已乎。昔奚斯闕宮闈。臺典引。皆侈陳鉅麗。蔚爲國華。矧大道宏昭。率土共慶。有生何幸。實際昌時。賤臣以葑菲陋質。早侍清華。溝瀆餘生。重霑

雖擬宅流之典。幸居湯沐之邦。未得隨瞻。

侶共仰

猶幸從衢歌巷舞之倫。與傳盛事。拜賜無自。何敢效卷阿之鳳鳴。謳誦有懷。庶幾同虞廷之獸舞。已爾敬

作頌曰

鴻濛肇判。圖畫爰彰。伊祁媯汭。執中垂裳。文武姬公。
實紹夏商。鐸鳴洎道。歸素王漢。興馬上六籍。粗演
唐宋元明。文治敷衍。章縫輩起。微言是闡。匪亶

聖神。

大道孰顯。

太祖締

造焜耀武功。

太宗嗣

服宣聖是崇。

世祖執

極九有同風。道暨我

皇旭

曜昇東。

兩宮歡洽

九廟禋格神饗

圓丘祗歆

方澤聲

律身度圓圭方璧。誕岐嶷功崇墳籍。體元廣運。行

健自強。朝乾夕惕。日就月將。拔茅顓俊。采登良卑。

宮纘禹解網。紹湯化溢。潏沔澤湛。汪濊蛟螭。煦春動

樞。霑霑熾極。而豐孽牙。狡獫。

皇威有赫。命鉞建旆。龍韜。

天稟虎旅。雷轟霜清。蛟鱷電掃。賄黠扶桑。稽顙若木。來庭。

帝。禋。宗。

靈。揚。北。漠。浪。宴。南。溟。類。

告。成。柴。望。痾。瘝。軫。衷。時。巡。豫。鬯。甸。師。清。野。飲。飛。治。輶。
宗。伯。展。儀。司。農。庀。餉。上。元。幹。運。律。中。黃。鍾。閣。道。直。漢。
天。策。耀。蹤。仗。迎。華。蓋。蹕。殷。豐。隆。珠。旗。爍。日。羽。葆。流。虹。
軟。翼。紫。虬。驂。驤。駉。駟。玉。鸞。和。音。金。根。就。軌。露。浥。龍。旌。
風。承。豹。尾。瞻。雲。岱。宗。屯。星。闕。里。柔。日。諏。吉。肅。穆。几。筵。
牲。牲。告。潔。圭。瓚。修。虔。

天。章。

揮。灑。江。海。注。川。

宸。翰。

炳。烺。日。月。麗。天。象。勾。萬。舞。簫。韶。九。奏。千。官。駿。奔。百。禮。

皇情

殊恩

詳究翠烟浮景綠字雲覆丹燎燭霄赤文綺繡

穆穆聖貺洋洋壁鏘金石地潤珪璋卿雲爛敷景星
燭光騶麟翱翔鸞鳳下翔爰廣

簡遴哲裔講幄弘開琅函演肄虎賁園橋通侯考藝
藻騰貞檜輝映靈著彪彪炳炳赫赫明明百王千聖
玉振金聲太史占雲簡奏休徵奎章煥爛東壁晶瑩
甘露天滋醴泉地湧琛羅玉琯瑞呈銀甕士女謳吟
臣鄰歌頌文配河龍響諧鳴鳳太常協律德盛聲宣
鏗鉤律呂和鬯管絃周洽九垓黼藻八埏

皇圖

鞏固億萬斯年

得一道人曰命意必極高卓無一筆委靡措詞必極
典雅無一字俗艷細心考究自見莫漫作館閣應
制文字草草看去

朱起莘曰壯麗古健漢魏遺音

擬

皇太后

萬壽頌

有引

維上章執徐之紀歲實

皇太后

化甲聿週之大年我

皇上

方合萬國之歡心隆

萬壽之

慶典大禮爰行頌聲乃作敬作頌曰。

粵稽前史載遡皇極天亶聖神祥鍾母德虹渚電樞
軒昊是則惟我

聖母母

儀萬國

天眷我

清受命自東。

太祖

太宗功德崇隆。

世祖膺圖六合攸同。倪天作配化自

中宮任姒嗣音馬鄧紹武惟我

聖母徽光前矩葛覃教行。穆木恩溥螽斯歌仁麟趾錫祐我

皇建極

慈訓是經澤洋膏渥赫聲濯靈扶桑稽顙若木來庭風清瀚

海浪偃南溟。億兆心歡入荒入獻。

聖人

奉母萬邦爲憲。治躋登三仁同育。萬誰非子臣共伸。

至願執徐紀歲。律協應鍾花甲。聿週昌期。正逢醴泉。玉映甘露珠融。雅賡天保。嵩祝華封。南極澄輝。飛黃遠貢。苑集神鳥。庭儀威鳳。慶溢蠲生。喜偕蠕動。

聖元求

貞衢歌巷頌。

三靈式

貺萬彙呈祥。河清海晏。歲穰時康。萬方仁壽。千禩。

明

良用諧金石。求播官商。

恭讀

御製

詩集頌

有序

竊惟乾元丕冒炳儀象於日星坤德含弘表高深於河岳天地以大文陶鈞萬類帝王卽以人文化成萬邦自圖啓龍師字垂鳥跡然書契雖興于太昊賡歌則盛于重華喜起旣陳外史猶稱復旦功叙有奏他編別紀薰風此外雖有傳心立政之文罕覩節性陶情之什漢高治紹三古僅聞風起雲飛孝武學表六經祇擅菊芳蘭秀齊梁藻思獨綺非復正始遺音唐

聖人。

宋卷帙遂多。未免騷人餘習。若夫上追帝世。並美虞廷。合兩大以導豫宣和。統百王而金聲玉振。必待作觀。然後文治大光。欽惟。

皇帝陛下。

聰明睿智。

文武聖神。

宵旰勵精。每自強而不息。

仁恩廣被。太容保以無疆。

文明同日月之麗天。

睿思如江河之行地。

垂箴著訓。已並二典三謨。

寄興成章。備該六義四始。

泰壇肅祀。凜奉若于鑒觀。

陵闕告成。邇恢弘之啓佑。王業艱難。有本訪濠。塹之遺蹤。土

階儉樸。堪師寫丹青之舊構。篤明禋于

九廟。金鋪別苑。猶興繼述之思。敦孝養于

兩宮。銀燭江干。且動奏箋之感。凡此敬

天法。

祖之大。

時或見于咏歌。至于愛民勤政之誠。每多傳于篇什。
蒙陰早雪。喜慰三農。朱夏驕陽。興思六事。步禱感四
郊之霽霽。繪圖悉萬井之辛勤。憫傍水之田廬。立授
平成之績。念洊飢之黔庶。大開輪輓之施。至若讀無
逸而三復于田功。覽貞觀而一斷于修德。觀天詠器
義勅時幾。講易開筵。旨探人極。中書天下本。勗謹始
以圖終。鎖鑰重臣。膺戒崇廉。于晚節此皆。

聖學。

癸甲。

之精蘊。偶從詞翰。以宣揚若夫虎旅橫戈。洱海依然。

鸞旂

出塞天山早已挂弓。乃露布來自滇黔。勉克終于百職。饒歌歸從海嶠。念久困于羣黎。恩全朔漠之俘累。澤霈窮荒之屬國。叮嚀至再。肫肫普覆之仁。忝倣類申翼翼小心之旨。此則參大造而無外。寧誇月露風雲入聖域而獨優。豈僅詞章字句難縷陳其備。美姑約舉其宏綱大抵。

一本於無邪。

悉規乎大雅書之于史。皆千萬世之師尊之爲經。在三百篇之上。詎幸蒙。

詞旨。

再。造。得。仰。
行。鑾。復。荷。
殊。恩。許。隨。

蹕。經。旬。何。幸。三。承。
藩。邸。入。都。七。載。未。得。一。效。涓。埃。護。

寵。賚。

奎。章。乍。捧。榮。光。上。燭。星。辰。

寶。帙。初。頒。瑞。彩。騰。輝。日。月。譬。觀。海。者。望。洋。驚。嘆。思。蠡。測。
以。何。從。如。聞。雷。者。久。蟄。昭。蘇。亦。蟲。吟。而。欲。奮。敢。謂。拜。

颺於

盛世。謬同擊壤於康衢。謹稽首頓首作頌以獻曰。

其一

一畫開天鴻濛肇判。虞廷勅綫篇章聿煥。宣聖刪定。三百爲斷。漢魏三唐紛華爛熳。文明化成功符參贊。疇振元音道藝一貫。

其二

聖神天亶萬國文同道。叅太始德並昊穹。學本六籍心傳一中。準經酌史。挖雅揚風。詞叅文質。聲含徵宮。詩教。

昭明如日升東

其三

將享有歌。生民有作。姬公制禮。天祖是悅。我
呈昭事。道符冥漠。夙夜敬止。鴻基式廓。對越紹庭。自傳心
學。珥筆史臣。難名欽若。

其四

思齊下武。定省未詳。我
呈孺慕。念念勿忘。野禽遙獻。珍實馳將。承顏視膳。無間巡
方。誰非人子。請誦。

宸章惇俗移風孝治用光

得一道人曰極莊重語却說得風流蘊藉

其五

深宮。

國計民依農桑是主問夜瞻雲桑田靈雨何似
備詳疾苦圖繪其形詩悉其緒爲勸農經爲蠶女譜
爲萬民天爲萬國祐

得一道人曰語不板腐綽有情趣

其六

授時齊政肇自唐虞理數失傳立法代殊裁成輔相

聖謨

卓哉
六術九章。挾奧持樞。五緯順位。四序無渝。曰旦勅幾。
爲萬世模。

其七

聖心

殷禱桑林。周奠圭璧。祈年卜歲。
昭格驛使。星馳先客。雨澤步禱。精虔九達。甘液冬雪。
慰懷春雲。望迫參贊。砥礪垂訓。無斁。

其八

一人

有慶懋建

元良早弘諭教無間就將

睿聖承歡燕翼道長分藩錫爵式迪義方四箴立體勤儉守常修齊大訓平治大綱

其九

明良既歌栢梁繼起。麗日和風。昇平盛事。綠野歸賢。鹽梅黃綺。鐘鼎丹青。酬勳世美。一德保終。恩同天地。率土勸忠。徽畱青史。

其十

隨刊既遠。疇軫懷襄。瓠子興歌。三策孰長。

帝心咨傲指授多方平成奏績允翕淮黃戒前善後
睿慮周詳萬年禹功謳誦未央

其十一

江漢六月陳詩紀績

皇仁神武兵皆耀德閩粵投戈滇黔偃革波晏南溟烽銷
塞北並生覆幬垂誠翼翼大哉
聖言奕世是式

其十二

易包象數書紀政程濂洛關閩析理斯精探原滙要

聖學

大成敬爲心法健合天行政垂爲典言出爲經請播

金石丕振

天聲。

得一道人曰應制之文不難鋪揚鴻鉅難于立言扼
要況此等題可鋪揚者多若煩雜失倫一味獻諛
便心目俱厭矣事舉其綱且據其實有質有文不
傷浮艷有情有致不入板俗雲霞之章金石之響
未許粗心人草草讀去

敬天勤民箴 有序 癸丑年恭進

皇上

御極十有二載。澤周中外。化被寰區。乃以萬幾之暇。進詞臣而試之。蓋匪徒游心文藝而已。固將謂芻蕘一得之陳。或有當於

高深

之萬一也。臣雖愚陋。敢竭鄙衷。臣惟自古帝王膺圖御籙。固將上凝天休。下邇人和。衍億萬年無疆之慶也。我

皇上

昧爽視朝。宵衣待旦。勤民可謂至矣。祀事祗虔。明禋肅穆。敬天可謂至矣。臣竊謂君之于天。不啻子之于

親君之于民。不啻親之于子。子之于親也。承歡養志。有一之未周焉。孝子之心。未敢慰也。親之于子也。撫循噢咻。有一之未至焉。慈父之心。未卽安也。故敬天者。當思上天之付我者。甚重。而出王游衍。常若天命去留之故。警于其心。勤民者。當思下民之望我者。至切。而起居號令。常若民生向背之機。惕于其目。如是而廟堂之上。朝乾夕惕。志氣振奮。而百度用康。庶幾大化翔洽。純禧永錫也。在昔成湯聖敬。猶勒盤銘。武王執競。猶箴戶牖。臣仰窺我

皇上

敬天勤民之意效古人傳言獻規之遺敬爲箴以獻
曰

惟皇建極。統御萬方。凝天之命。立民之綱。於昭上帝。
其命靡忒。眷顧何私。歸于有德。念彼黎元。作之君師。
曰旦曰明。日監在茲。何以答天。尚其謹畏。中懷乾惕。
夙興夜寐。何以惠民。尚恤其艱。一夫不獲。念切痼瘵。
在昔聖王。昭事小心。翼翼體元。行健幾康。自敕彼曷。
不恣情逸樂。而稍期于宴息。誠凜乎帝命之難。謀在
自強。以合乎天。則在昔聖王。圖治寸陰。毋玩。未明求

聖躬。

衣。心。常。恐。晏。彼。曷。不。任。心。恣。睢。而。稍。就。乎。泮。渙。誠。惕。乎。衆。志。之。難。孚。在。奮。精。以。勵。乎。宵。旰。母。謂。天。高。天。聽。至。聰。匪。陟。降。于。郊。壇。而。陟。降。于。深。宮。母。謂。民。愚。民。心。至。公。匪。從。違。於。號。令。而。從。違。於。遴。賢。拔。俊。匪。曰。由。我。之。衷。當。思。帝。心。之。簡。在。期。衆。志。之。僉。同。明。刑。敕。法。匪。曰。惟。意。之。從。當。體。昊。蒼。之。慘。舒。念。輿。情。之。翕。通。天。休。渚。至。母。或。滿。盈。懼。威。格。之。未。導。匪。敢。恃。兩。自。寧。而。賜。愆。期。母。曰。氣。數。恐。怨。吝。之。方。深。得。毋。滋。其。儆。懼。洞。洞。屬。屬。汲。汲。皇。皇。母。以。百。事。之。敬。

壞於一事之急。百日之勤。壞於一日之荒。然而天載精深。與崎嶇。蹟倘。

睿照

之。或遺。何以答。鑒觀之有赫。是宜留心於典墳。遜志於史冊。稽陰陽於圖象。究先天之閫奧。考庶徵於洪範。協箕畢之嗜好。或博採夫前代之史書。或兼取乎謨謀之入告。由是而。

聖學

日勵

聖志

日清。薰蕕雜進。不能遁其形。毀譽並陳。不能淆吾聽。上得乎天心。下協乎民情。王業日懋。大猷允升。鞏無。

顧
謁於庭戶。

疆之寶曆萃億萬之休禎在昔朝有進善之旌亦有
敢諫之鼓嘗下採乎工師亦不遺於矇瞽蓋主德之
高深亦芻蕘之兼取小臣敬稽首而獻箴願

得一道人曰此靖獻之始本領正大與曲學阿世者
不同其筆力在東西京之下却在唐宋人之上蓋
其理清故無浮艷其骨堅故無腐語其針線似由
制義來却又非但知制義人能事

黃叔威曰詞意雅正源本經術具見名世風度

擬

上以漠北陽平

允廷臣請勒石紀功廷臣

賀表

伏以

聖武震寰區虎旅奮風雷之肅

皇猷垂宇宙龍荒瞻日月之光
赴桓之捷伐大張安
內必先攘外赫濯之聲靈遠暢懷德本于畏威
率土騰歡普天胥慶臣等誠懼誠忭稽首頓首

上言竊惟王者大無外六合皆在懷保之中聖
世討不庭萬國共凜尊親之戴虞廷道隆揖讓
而苗氏之負固必誅夏后績懋平成而防風之
愆期用戮密人侵阮文王興赫怒之師淮寇驚
徐周宣震鋪敦之烈蓋懲大所以字小豈以中
外殊觀而拯弱必在除殘寧以遠近異視慨自
王靈莫振遂至邊鄙多虞烽火常達于甘泉難
恃叩關款塞歆盟竟臨乎渭水誰言雪恥除兇
竇憲勒銘燕然固乘機而奏績藥師生俘頡利

亦伺釁以圖功。從未有奮堂堂正正之師。拯一隅以安萬國。樹赫赫明明之烈。靖一日以奠千年如。

今日者也。茲蓋伏遇

皇帝陛下

道叶清寧

量同覆載

垂衣五位。湛恩浹于寰中。

舞羽兩階。太化被乎荒外。固已梯航拱極。圖王會。

之共球動植露仁普鴻鈞之茂育矣乃有喀爾喀慕化效順而厄魯忒修怨憑陵

聖主體天意之好生欲同歸于在宥

皇衷化物情于大順令息鬪以相安乃蠢爾敢肆鴟張而醜類猶矜螳臂爰

頒三令

特總六師搖光冲北戒之區妖氛銷于碧漢太白蝕旄頭之宿劍氣朗于璇霄雲錦千羣房精吐耀輓輪萬隊芻蕘抽芒七萃扈

鑾輿豹尾拂天山之月

六飛度紫塞龍旗凌瀚海之霜於是運

睿略于九地九天震

神威于七擒七縱闕支陣磔先蕩釜底之魂日逐生
降更褫草間之魄營共連乎犄角豕突安施勢
竟等於觸藩踣窮自斃郅支傳首鳴鑪唱朱鷺
之歌大漠永清振旅入白狼之塞從此旃裘毳
帳同安衽席戴

堯天抑且赤縣神州胥慶昇平歌

帝力於是列藩。上壽百爾。稱觴謂宜播之聲詩。兼請
銘於金石。集麟臺之燕許。賡六月江漢之章聚。
虎觀之陸潘。勒征北平淮之製。穹碑插漢。偕蒲。
類海照耀於千秋。丹篆凌雲。與狼居胥聳峙於。
百世。臣等韜鈴未諳鉛槧。徒勞慙昌黎紀實之。
詞。敢奮文昌之筆。磨定遠勒功石。思宣行本之。
之威。伏願

神謨廣運

文德誕敷

大配天廣配地合九有以爲家

車同軌書同文胥八荒而我闢斯振淳風於上理
鐘簴勒乾坤之頌陋七十二代麟文揭曉日以
中天竹帛紀軒昊之徽綿億萬年鳳曆矣
得一道人曰典核精切聲響鏗鏘燕然之頌淮
西之碑恐難專美於前矣

擬

上命纂修明史告成廷臣

進表

伏以

聖主慎前模。藜火映花磚之彩。

皇猷稽古範。縹緗增芸閣之輝。文獻歷久。則無徵蒐。

羅務亟。褒譏隔朝而論定。筆削從公。成一代之

鴻編。作萬年之龜鑑。歡騰藝圃。喜溢儒林。臣等

誠惶誠恐。稽首頓首。上言。竊惟聖朝鑒戒。憲以

無愆道兼資乎往代哲后觀覆車而知戒事卽
取於前規誥陳康叔之篇指妹邦爲鑒水雅歌
文王之什惕殷命以虞天新語進自陸生寬大
革秦亡之轍治安陳于賈傳禮義挽羸俗之非
良以前事爲後事之師故命官慎史官之職馬
遷創體西京紀自閭臺虎觀成編東都裁諸苑
氏文皇富於睿製東西焉遂有專書宋室慎於
史臣新舊唐因而更定五代成歐陽之手繁簡
之損益攸宜累朝入考亭之綱褒貶之是非始

當他若三國才推陳壽。徒任私評。北朝漢擅魏
收。竟成穢史。大抵珥筆之臣。失職遂致月旦之
論。難憑。況乎勝國當金戈鐵馬之餘。記注起居
幾與寒灰俱燼。末造罹黃巾赤眉之酷。典章簡
冊亦隨碧血同銷。柱下之傳信無徵。稗官之流
行多僞。苟非急于纂輯。必將至于沉淪。茲蓋伏
遇

皇帝陛下

道紹勳華。

學宗洙泗

探微言於易象。究河洛理數之傳。

考治蹟於尚書。大祖述憲章之烈。固已書同文車。
同軌合九。有以爲家。而且大臣法。小臣廉。統百
工而保泰矣。猶

念明史未有專書。慎擇分纂總裁之選。朱姓良多逸
事。廣搜家乘別錄之藏。予奪務準於至公。詳略
總期於得體。由是憲章吾學之作。悉上貢於麟
臺。名山大政諸編。皆備登於鸞掖。事有志。年有

表體雖循於往代紀職要傳職詳例仍出以新
裁蓋明祖之開創取于羣雄受命之基獨正文
皇之革除殊于內禪靖難之舉何名仁宣遞繼
忠厚之培養實深英孝相承寬大之燕貽自遠
釁開土木賴元老之持危痛濺萇弘之血變起
宗藩幸真儒之討叛讒同陳賈之攻奪門冒濫
於復辟之朝難以功而掩罪尊號紛紜於嗣統
之日宜援禮以裁情世廟初政勵精而弼輔攬
權遂結忠良之舌神宗享年悠遠而倦勤積弊

遂滋叢脞之階。迨穆光之承基。至熹懷而殄世。
闔茸薰天。炙手禍等於唐之南北。司門戶入室。
操戈勢盛於宋之洛蜀。黨大抵明之盛也。家法
邁於漢唐。文物逾於晉宋。加之崇儒禮士。三百
年之食報自長。其衰也。忠鯁殲於閹宦。寇盜起
于饑寒。兼以弛備分朋。十五傳之遺休。遽絕凡
此先朝往事。謹陳

乙夜覽觀縱無增

聖學之崇深聊足備

興朝之法戒臣等識同窺豹技埒雕蟲愧五始之
莫窺難擬董狐之筆恥三長之未備思成孫盛
之書願附工瞽以俱陳敢侈五車之腹笥莫竭
芻蕘之一得用羅二酉于名山伏願

日進無疆

乾行不息

主善爲師不徒左圖右史之迹

以人爲鑑益勵直言敢諫之風庶幾崇效天卑法
地齊兩大而物阜民蕃六五帝四三王統百代

而金聲玉振矣

得一道人曰三百年宏綱大政既隱括無遺而
鐵案如山已備法戒直可作全史讀

擬

上預蠲湖南三十九年地丁錢糧欲使民沾實惠羣

臣

謝表

伏以

帝德弘敷膏雨協畢箕之好

皇仁普被陽和先翼軫之墟足國必在富民人歌樂

利損上卽以益下戶慶盈寧率土歡騰普天胥

祝臣等誠惶誠恐稽首頓首上言竊惟王者以

足民爲本。常欲耕九以餘。三聖人定。惟正之供。必思用一而緩二。司徒有典。時行蠲恤之文。王制有經。聿修補助之政。漢文詔令近古。每賜復而蠲租。唐宗仁義力行。亦賑饑而贖子。慨自賦蛇政虎之日。甚遂致頭會箕歛之彌苛。使者二星孰矯。長孺之詔君門。萬里誰繪。鄭俠之圖。未有深已溺己饑之恩。欲沛。

洪恩于九有。普同憂同樂之願。先敷。

大澤于三湘如。

今日者也茲蓋伏遇

皇帝陛下

化同舜日

仁洽堯天

耕織有圖洞悉民間之疾苦

賑蠲屢詔深知物力之艱難固已家安鼓腹之風

戶樂含飴之賜矣猶

謂施仁而布政豈無一夫不獲之隱憂惟蠲租以惠
民允爲萬世不刊之令典向者逋年遍于直省

今仍沛澤始于湖南膏雨滿洞庭千里桑麻歌
夜月

恩綸宣雲夢萬家烟火頌春風杼軸不爲繭絲何恤
胼胝之勞苦車牛祇供甘旨寧愁擔負之艱辛
父老扶杖而往觀共戴
太平天子士女焚香而致祝嵩呼

有道聖人臣等撫字情殷催科政拙喜恩波之周蔭
屋無俟誦聶彝中之詩慶耕鑿之安閭閻不煩
吟石壕吏之句上體

疇咨之德意使小民之受澤惟均益揚解慍之休
風俾草野之休和有象伏願
德並乾坤。

恩同覆載

合四海爲一家益廬如傷之念。

統萬類爲一體同依大造之春庶幾高配天厚配
地千百世之金甌永固四三王六五帝億萬年
之玉燭常調矣

擬

上念昇平五十載

特旨蠲免各直省地方錢糧又

念文教日盛

特旨各直省鄉試廣額羣臣

謝表

康熙五十年

伏以

聖恩普被八方霑雨露之膏。

皇路弘開萬國慶風雲之會沛前此未有之惠盛事。

未光史書羅額外不盡之才遺珠盡登天府歡騰寰海喜溢儒林臣等誠惶誠恐稽首頓首上言竊惟禹貢以則壤爲先取民先期於恤下周官以選造爲重制治莫急於掄才郡國頻歲賜租文帝躬行節儉賢良入朝對策孝武志在人才諸州皆禁濫征唐制善租庸之法一榜盡賜及第宋宗弘貢舉之科凡此皆以裕民爲足國之常經卽以多賢爲經邦之盛典慨自征求無藝選建多私筭緡樵酤空見譏於平準斜封壘

勅徒取玷於銓衡例困三司鄭俠之繪圖何益
目迷五色劉蕢之下第誰憐未有蠲惟正之供
開千百年之曠典大闢門之路儲億萬代之人
才如

今日者也茲蓋伏遇

皇帝陛下

道邁羲黃

功高姚姒

時雍風動梯航集山海之共球

久道化成奎壁燦文章於天漢固已民安物阜蛟
螭同安兩大之仁大法小廉麟鳳悉入八紘之
網矣乃尤

念五十載昇平有象雖每歲常蠲百萬澤止在於
一隅十五省英俊日增雖每科入貢多才額猶
限於定數用沛非常之賚遂開格外之恩三載
之中先後悉蠲租而務遍此科爲始大小各廣
額以兼收京畿蜀粵閩浙滇黔先鼓腹以懽呼
而秦晉楚吳青齊兗豫亦謳歌而預慶箕尾虛

危斗牛翼軫燦光芒而炳象而房心昂畢星張
井鬼亦爛熳以呈祥雞犬相安戶鮮追呼之吏
駑駘共奮士欣茅茹之占從此大地皆春雖冰
天雪窖瘴雨蠻烟皆成樂土連城有價凡竹箭
南金琅玕翟羽共貢明堂臣等會計徒慙鑑衡
抱愧爲催科寧爲撫字心竊擬於陽城願拔十
尤願得五志有期於龐統伏願

堯天永覆

舜日長輝

合東西朔南。同浹樂利之休。頌協和之上治。
統翼爲明。聽皆作腹心之選。賡壽考之作人。庶河
清海晏。飛潛動植。咸歸仁壽之鄉。巷舞衢歌。俟
甸要荒。共仰升恆之照矣。

三十八年正月二十一日疏

原任翰林院編修

臣陳夢雷謹

奏爲

聖主恩同天地。微臣碎骨難酬。謹謝

天恩。併乞

賜差使。稍竭犬馬報効萬一事。臣蒙我

皇上再生之恩。在奉天一十七載。不得一望

天顏。三十七年內。恭聞

聖駕東巡。臣踴躍懽忻。于十月十六日。奔迎至撫順。

地方匍伏道左蒙我

皇上天語親問臣年紀多少清書尚記得否又

命侍衛問臣住居何處離城遠近臣主何旗何名臣

家口有無如何度日臣一一答

奏外至二十日臣恭進

聖德神功恭紀七言排律一百二十韻蒙我

皇上召至榻前

命臣展卷

皇上親覽

天語褒嘉至二十一日又蒙

恩召對是夜臣隨至

御營奉

旨召臣回京二十二日臣于老邊道左叩頭謝

恩又蒙我

皇上親諭臣回奉天搬家進京臣在奉天凡四觀

天顏皆蒙我

皇上聖慈矜憫

天語溫和不啻慈父之于愛子豈獨臣舉家大小感

激涕零。凡關以外讀書人士皆欣幸以爲稽古。

不世之榮。人人感奮共思讀書報。

國。臣夙衣不寧。于十二月內奔馳進京。初八日大。

臣入。

奏。又蒙我。

皇上命包衣大僧額給臣房屋居住。及飲食衣服。臣
何人斯乃蒙我。

皇上非常之恩。大小臣子稀有之遇。凡有血氣心知。
無不聞風感泣。而臣進京已經一月。未效涓埃。

皇上敬陳之夫奉天爲

祖宗陵寢之地根本之邦北拒朔漠南鄰朝鮮然而土曠人稀則此地戶口宜增農功宜廣邊防宜固此不易之理也我

皇上於十餘載之前分遣在京八旗駐札奉天牛庄熊岳復州等處分屯耕種無非欲增戶口廣農功固邊防是

聖慮早已及之矣而有司奉行不能實在留意以推廣

聖心故至今生齒尚未盡蕃。田土尚未盡闢。而邊備尚。有。未。講。臣竊以爲戶口可不事招徠而自增。田疇不用勸課而自闢。邊備不事張皇而自固。而且可以備荒歉。可以減漕運。可以固根本。其法只在特行科舉一事。請得而列言之。臣見前任府尹臣董秉忠特疏。凡在奉天中式者。不准復回原籍。而山東撫臣佛倫題將奉錦二郡寄籍他省者。皆解回關東。此似爲增戶口起見也。然從此奉錦二郡入籍者。反致寥寥。何也。人情。

雖急功名。未有甘棄祖宗墳墓者。以一舉子。遂
未徙他鄉。宜人。情之不樂也。況奉天中式。不過
附于順天。一試止得三名耳。額既窄。而法又嚴。
人亦何苦輕去其鄉耶。夫文人在奉天。但知食
粟而已。無關地方之重輕。今日奉天之所急者。
服田力穡之民。非游手坐食之民也。竊謂奉天
發祥之地。幅員數千里。文教漸興。宜特爲一省。
三年特差典試。其中額不妨增四五十名。立之
法曰。欲試童生者。壯丁二名。種地一百畝。生員

科舉者壯丁三名。種地二百畝。舉人進士選官者壯丁五
丁。四名。種地三百畝。舉人進士選官者壯丁五
各種地四百畝。不論入籍之早晚先後。但壯丁
已滿開墾已完。自算入籍地方官不得留難。州
縣官卽以入籍之多寡爲考成之殿最。壯丁已
足。本人任聽在原籍居住。壯丁有缺卽時添補。
遲不得出一月。不補則卽將本人解送奉天州
縣代爲容隱。以無爲有。以少爲多者。聽傍人首
告。州縣立行革職。夫取中旣寬所費。又約功名。

既遂又得歸其故鄉盡天下有力之家孰不願
買。人。占。籍。種。地。納。糧。者。不。出。三。五。年。天。下。無。游
民。奉。天。無。曠。土。矣。夫。聚。天。下。游。手。游。食。不。入。冊
之。民。皆。爲。奉。天。入。冊。之。民。則。戶。口。之。增。可。知。舉
奉。天。荒。遠。不。耕。之。地。皆。爲。士。子。功。名。之。地。則。農
功。之。廣。可。知。而。臣。又。謂。可。以。備。凶。荒。者。則。非。但
備。奉。天。之。凶。荒。且。可。備。天。下。之。凶。荒。也。何。以。言
之。夫。古。人。十。年。生。聚。十。年。教。訓。我。

國家生聚休養六十餘年天下戶口已數倍于當

日矣。戶口數倍而入。用不能多。糧額未廣。非盡有司隱匿之術。實以人多。益貧有斷斷不可復增之勢也。夫千金之家。生數子。則人得百金止矣。家有數頃之田。生數子。則人分數十畝止矣。天下之財。天下之地。只有此數。而人口日益蕃。勢安得不貧。安得不求食于四方。有司追呼求原額。且不可得。安敢增其數。以逼此窮民耶。四十四年。山東偶歉。米價只及京師之半耳。乃至重煩。

聖慮多方賑救始得安全然有司奉行民沾實惠者固多虛冒侵漁者亦不少盡在

聖明洞鑒之中究之山東之荒以人多錢少而荒非有大災傷米價騰貴而荒也臣愚以爲唯行奉天科舉之法凡遇災荒地方其流民聽人買賣但當立法隨後有力許其贖回不得留難夫各地方入冊當差之民類皆頗能自給不至爲人掠賣而此游手之民不入冊于本地且有人代爲納糧于奉天亦何苦而必禁之耶而且立法

使日後得贖則彼無父母妻子之戀者甘心老于奉天有祖宗墳墓之思者終歸於故土而當其無食無衣之時有人爲之具車牛有人爲之置房屋不過借其力以耕奉天之地去者必多而此荒歉地方人口漸少則米價亦平救荒之策又孰過於此耶至於漕運之減臣之愚見固不在減漕米于南而實欲厚積貯于北夫前代自北魏以及遼金皆以北方之地養北方之民而有餘非仰食于江左者也明創業於江南成

祖以江南爲根本內地身自遷都於燕以備西
北始設漕運糧船至我

國家則根本在奉天矣今以京師千萬衆待食東
南而全恃此一綫之漕安可不急議變通乎十
三年耿逆之變逆黨有說耿鄭二逆合謀分師
北向斷絕漕運者臣爲此寢食不寧冒死設謀
離其交而破其策天佑

國家耿鄭自相攻擊逆策不行今每回憶此事猶
可寒心今幸四海晏寧邊烽無警矣正宜乘此

時大興西北之水利備數十年之積貯漸減漕
運使天下驍雄之輩知我不盡仰食于東南萬
世久安之策也夫秦積粟于敖倉隋積粟於洛
口非無備也而適以資敵非其地故也今奉天
國家根本之地真天下富強之區矣而所謂積貯
者曾幾何耶縱有倉之設而名存實去典守者
以爲肥家之資遣官稽察亦不過增嚇詐之具
此賈誼所稱可爲長太息者也且夫奉天寒於
內地窖粟不發可二十年不壞且地多小河易

興水利。若如近日鎮臣藍理之法。移之奉錦二
郡。太疏。溝洫皆爲秔稻之鄉。積穀旣多。傍山作
窖。敖倉洛口在我堂奧之中。當此萬國昇平之
日。計孰有大于此者乎。至于邊防之事。臣書生
本不應冒昧妄言。我

皇上聖明諒臣愚誠一心爲

國。非爲誇大。好名起見。

赦其狂妄之罪。則臣試妄言之。夫四十八家之衆
我

皇上威德柔懷固宜萬年向化永作藩臣矣。然自古立國守險雖在內地亦不可無今廣寧以東開元黃龍岡一帶不過平坡柳條作邊無藩籬之限也。聞十四年察哈喇之變奉天兵民多竄入山中而噶爾旦跳梁之時邊外皆耽耽虎視奉天將帥亦徬徨于守禦蓋無山河之阻又無城堡可依宜其相顧無策也。夫秦築長城歛怨天下後世猶謂得藉其力。臣謂秦之計固已左矣。何也。立國固宜設險而守險在人無人則百仞。

空城懦夫可越。若民有固心。加以重兵。駐札則平原之地。掘濠立柵。亦可屯營自固。豈必皆待長城耶。夫以今日之柳條邊。一望曠然數百里。而倉卒出一軍。以爲防。知何處爲宜屯。宜守之地。然當此中外晏寧之時。無故于條邊設屯。安戍。又恐張皇不靜。徒驚擾中外之心。臣以爲管仲相齊。寄軍令于內政之中。則今日開科舉之法。又兼可爲防邊之計。何也。今日八旗人丁。亦已增數倍矣。一甲出則羣起而爭。非有力者不

可得而無識之士猶且輕言兵貧而請賞兵夫
使兵果貧則避之且不暇爭此甲何爲者耶蓋
今日八旗之貧以生齒日增而俸餉不足以供
非我

國家養兵之薄也夫養兵之典已極其優而生齒
之增昇平盛事又不得不爲之計與其聚于輦
轂而使之貧不如使之充實于根本發祥之邦
而使有士飽馬騰之實臣以爲天下之水土莫
强于奉天風俗之淳莫過于奉天而物力之賤

生計之易亦莫過于奉天京師八旗子弟生而膏粱漸近脆弱而五方雜處之地習俗豪奢物力騰貴草料養馬既難則人憚於騎射豪奢成風則勢不能儉樸五方之民匪類勾引苟不讀書則唯有飲博歌彈裘馬徵逐而已今立之法曰八旗官兵願向柳條邊一帶蓋房屋住居者其子弟卽聽在奉天鄉試所蓋房屋皆令南向不許兩層只許自西而東一帶毗連雖多至百餘間不禁房屋之後一帶開壕其土悉堆南岸

其上雜種榆柳房屋廣若干丈屋後之壕亦掘若干丈每歲挑濬奉天將軍不時督察之如奉天入籍之民已多無地可種者聽其代在京窮披甲蓋屋若干間掘壕若干丈卽准入奉天鄉試如此則旗下有力之家皆自多掘濠蓋屋租賣漢人以取利漢人有力之家爭求旗下窮披甲情願代爲蓋屋掘濠以入籍合天下急於功名之輩向奔競於包攬捐納之門者一旦盡改而奔競於窮披甲之家八旗固不待賞而已富

矣如此不出三五年自山海直抵烏喇一帶鷄犬相聞民居稠密十里五里設橋壕上以通往來卽設柵啓閉置將領巡防之察其帶買違禁貨物如硝磺之類皆嚴加稽察之八旗子弟食奉天之水土則筋力強習奉天純樸騎射之風則兵威壯習見蒙古往來知其勇怯無畏懼之心倘有蠢動人人知設衛自固但于壕北置戍木柵鹿角堤上安列砲臺弩矢隱然有金湯之勢大軍屯札東西相其緩急而策應之十年之

後堤增愈高溝掘逾深榆柳成陰一望叢翳不
事長城而險已可恃此在今日太平之日行之
使人不知其所以然而實則萬世不拔之基已
肇于此也夫開例捐納一事利歸無賴者十之
三歸不肖有司者十之五

國家止得十之二耳乃至使仕途叢雜高蹈之士
不以爵祿爲榮刁悍之民不以府縣爲尊南方
間有州縣下鄉至爲鄉民所辱伏地行杖脫衣
受責督撫不敢叅報但令官民和息以寢其事

夫漸不可長而弊有由來不過謂此非科甲出身與我等無異遂放恣至此耳今盡杜捐納之門使悉歸奉天之科甲如應試多人則漸增其額使同于順天併免其試卷磨勘故寬其途以引進之雖所取人才不必盡優而較之雲貴廣西亦不至大相懸絕彼出身既從科甲亦知自重其身而不識一丁面牆之輩不得參預其間則仕路皆知廉恥且開例只行一時此法既立丁糧田賦每歲漸增可至數十萬之額又何事

頻頻開例以飽天下奸貪之輩而啓其僥倖之心耶而更不止此者從來各省每遇科舉之年省城百貨聚集小民生計亦倍饒足今此法一行則雖科歲小考皆有各省入籍之人駢集接踵將來百貨並輸陸道則車牛絡繹而京東永平一帶無貧民海道則帆檣相接而金州牛庄等處皆樂土奉天山多藥草水饒蜃蛤貨之棄于地者尚多將來人多則皆知採取兼有貴重得價之物四方捆載而來終皆買方物而去則

天下之貨皆聚于奉天。天下之銀皆畱于奉天。根本充實。當不減江南財賦之地。是一法行而無窮之利備焉。然而民可使由。不可使知。生財之議何必頻見于史書邊防之計不必盡宣于中外。惟我。

皇上聖心獨斷。但從廣文教起見。

特旨行之。若九卿會議。彼既不悉奉天之情。形亦孰爲。

國家計久遠。草率了事。亦可惜耳。雷早叨科第。備

稽留山房文集
嘗顛沛非惟不敢妄冀功名。併不敢思以語言
文字博名于後世。所希者不過山林泉石。得遂
殮霞服氣之事。庶幾稍求其年。今蒙我

皇上非常之恩。

皇子貝勒撫恤之仁。既不敢竟言遠去。則亦不過
隨衆走趨老死而止耳。永年之願不遂。徒死又
終無一可以上報。

國家死不瞑目。是用竭其一得之愚。不揣狂瞽。冒
昧陳言。伏惟

磨鑒採擇一二倘于

國家有裨萬一則臣雖死之日猶生之年矣。

得一道人曰蘇張縱橫張皇形勢晁錯兵事指
陳利害至于下手作用實在功效未有剴切
酣暢至此者曾中聚米爲山已非一日一旦
抵掌言之浩氣如虹奇思泉湧汪洋澎湃倒
海排山正恐賈傅治安諸策宣公奏議不能
專美於前乃竟未得上達真令人拊膺長嘆
也

擬陳防海事宜疏

甲申仲春

爲海寇之形勢已張。

南巡之兵衛宜備。謹密陳海濱大弊數條。請

特旨嚴禁。以靖地方事。

臣蒙我

皇上高天厚地之恩。常思粉身碎骨難報萬一。三十
九年五月內奉

旨。在

皇三子府中行走。臣唯有矢心報效。朝夕勤慎。寧
敢分外妄言。以干罪戾。但事有上關。

乘輿警蹕下關數省地方安危雖未見有中外奏章而臣確有所聞若忍心默默則罪當萬死是以不避斧鉞敬爲我

皇上陳之臣向在奉天聞各處設立海關聽洋船出海常恐行之日久而船隻往來貨物充牣或開奸雄覬覦之心未必不爲緣海地方隱憂驟禁之則柁工水手數萬人衣食無資又恐成嘯聚之勢及蒙

恩召同京每向同鄉來京之人訪問聞海邊魚船三

五相聚潛行劫掠矣。舊歲魚船與洋船大小不敵。常以數魚船共趕一洋船。彼此相殺矣。今歲之春。則聞海寇已有大船五六十隻。洋舡至浙江柘浦地方。有舡六隻。皆被劫掠。省城官姓齊姓客人。皆被殺害矣。今歲又聞海寇豎旗招人下海。每遇洋舡。銀則盡取去。貨物則每舡只抽稅三兩五兩不一矣。而最有無忌憚者。賊舡中宣言專等。

聖駕南巡。作大生意等語。伏唯我

皇上至仁同于天地神武震于雷霆何物么麼敢行猖獗然竊聞向來

南巡兵衛甚簡臣雖至愚至賤然爲臣子聞此等言不以告之

君父則萬萬無此理。況蘇州松江太倉及寧波台州諸府距海不過一二百里賊舡一到便可登岸南方街巷狹窄弓馬難施而賊舡鳥鎗滾被藤牌皆其長技不可不預加防備則外之海防宜飭內之兵衛宜嚴我

皇上自有睿裁而愚賤惓惓不能自己者也至若海濱大弊數條地方官漫無禁防并未聞其入

告養癰貽患日且益深謹列款開于後

一紅毛之貿易搬銀宜急禁也向來紅毛不聽貿易蓋海邊港道不欲令其熟悉恐不時侵軼難防也今縱其深入已不可矣又聞其只以貨物賣于內地每隻舡來得銀數十萬以去夫內地之銀只有此數我

國家數十年來休養生息戶口人丁數倍于前人

日多而銀日少賴

皇上連歲蠲免數百萬之錢糧始足以甦民困。今乃取中國有限之銀歲買紅毛無益之貨。此不可之大者也。聞之日本多產金銀。然因中國洋船搬運其銀太多。彼國中遂只給貨相換。不肯發銀。乃封疆之臣從不計及此。臣愚以爲紅毛貿易一時固難禁止。請嚴飭海邊地方。此後紅毛船到港口灣泊。只許以器物互相對換。不許吾民以銀買物。既可留內地之

銀而來船無利來者漸少而日後紅毛亦無由直入內地庶可嚴固海防此萬萬難緩者也

一海邊之賣船宜急禁也海寇近日聚衆已多而大舡尚少聞內地奸民自己造舡用銀三百兩一開出港海寇用七八百兩買之數日之間便得大利何人不願賣舡而海關只查其稅及無舡入港則託言風濤打破無處查問此弊若不早禁則海寇得船甚易將來之

勢大張此亦不可緩者也

一、油麻、櫻鐵之出海宜嚴也。賣舡既禁，海寇必自造船而油麻、櫻鐵必取之內地。奸民必以此爲利，至于防汛之兵亦借此爲利者多。此必須封疆大臣密查嚴究，懲一戒百。若但出示虛文禁止，則止能禁小民，不能禁官兵。此弊終不能絕也。

一、梓工、水手之逃走宜急防也。海舡一隻，舵工水手約近百人。浙江、福建、廣東三省聞海舡

將及千隻。則此輩已有數萬人矣。洋船每覓
一舵工。皆費百金。一水手亦得數十金。是通
洋則此輩之利不少。今通洋雖未禁。而洋船
被劫者多。富人通洋者漸少。此輩衣食無資。
而海中之利已熟。勢必盡逃下海矣。向來鄭
氏海中來往。不過閩浙等處。港門有人熟悉。
至他處則不能。今船直抵山東之登萊。及奉
天之金州牛庄等處。根本之地。皆爲此輩所
窺。且海賊既已豎旗招人。奉天所發三藩之

衆強盜免死之徒八旗逃走創參之屬萬一
爲其所招將來之患豈可勝道臣請密

勅閩浙廣東封疆大臣將柁工水手查取家口親戚
鄰佑保結其無保結者卽配入官兵船隻然
此事必須地方官實心任事善爲區處若徒
聽胥吏留難需索則一番清查徒滋一番擾
累或反激之下海此又不可不慮者也臣生
長海濱大受海寇之累在今日言之似乎太
迂切恐日久養癰將來勞師費財不少故激

切冒昧上

聞如果臣言不謬伏祈
睿鑒密勅地方官施行

得一道人曰語語碩畫可惜言之不果將來之
憂豈可勝道

松鶴老人曰擬疏時寇勢甚張有

旨令大臣巡海寇分爲二一往安南一往琉球皆爲
所殲大臣得以報

命此疏遂不果上而紅毛一事竟未得達

天聽至今不無餘恨

四十四年五月疏

爲撫臣虐民欺

天罪不容誅。孤臣沉寃未白。讎不共戴。謹冒死呼天乞

賜對質。殛奸誅僞。以儆貪殘。以伸

國法。事竊惟人臣遇有常變。而立心斷不容欺。治獄罪有重輕。而入

告斷不容僞。從未有遭變而望風從逆。反正而飾罪攘功。恃

寵而殃民黷貨護奸而指死爲生如直隸巡撫李光地之甚者也。臣與李光地於康熙十二年內同以翰林院編修告假回家。十三年慘遭耿逆之變。臣不幸與逆賊同城。父母被拘。脫逃無路。因潛結逆賊所聘江南布衣楊文言爲內應。方思密疏迎請大兵入勦。不意李光地乃自泉州五百里外方巾大袖投見耿逆求官。臣忿恨奪巾擲地。大罵猶未悔悟。且謂我

國家必無恢復之日。臣因引楊文言與相見。再三

勸諭始定密疏。臣從中離散逆黨。探聽虛實。藉李光地在外。從山路通信軍前。此時冒萬死。一生離海寇。使互相攻擊。搆耿繼美使從中內潰。結一二逆帥在杉關爲內應。請大兵乘虛直下。詎意李光地猶懷觀望。挨延半載。始肯遣人。則盡易舊疏削去臣名。大兵入境。猶假意歸功於臣。具呈寧海將軍及總督巡撫。備述同謀請兵之事。毫無隱諱。而背地遣人四面佈陷下石。臣遂墜其術中。及李光地補學士。聞臣已被逆

黨誣告遂賴前言朦朧代具一疏以塞衆人之口。而臣從前一切離散逆黨密圖內應及同謀請兵之事一語不及至。

親王曾審之日臣大罵逆黨諸原告皆伏地不敢出聲。臣又將一切密謀報

國實蹟具呈

親王請召李光地質問。

親王曰嘆臣冤及定案則仍入臣死罪幸蒙

聖恩高厚。

特旨免死爲奴今日重得呼

天實我

皇上之賜也乃我

皇上月日之明無微不照臣所未白之隱亦沐

鑒憐

玉輦東巡之日

特賜回京令侍

皇三子讀書此時刻骨啣

恩不知所以爲報而我

皇上又念李光地從前請兵之功已顯而罪則未形特簡巡撫我

皇上委曲憐才保全臣子一至於此凡有血氣心知皆爲感泣使李光地從此洗滌肺腑潔已愛民以報

聖恩臣無奈亦當引命自安吞聲結舌以上慰

聖懷不意李光地勉強假清歲餘漸改操守及

恩寵隆重則遂無忌憚大肆奸貪取財偏巧只求貂

鼠人參行賄最工專用調繁委署包天大膽謬

作恭謹之形穢行辱人假標道學之跡案件沉
擱累年災傷總付度外使死者囹圄暴骨生者
產業拋荒朝野共嫉神人公憤其惡蹟難以枚
舉目前前有虐民欺

天衆目難揜者如四十二年冬

聖駕西巡有魏縣士民保畱知縣林元燾一案李光
地發與保定知府羅綸於四十三年三四五數
月之內嚴刑濫夾前後死者十人李光地已經
行牌詰責改發大名道府會審途間又斃兩人

夫羅綸乃李光地同城知府。貪殘至此。豈得委爲不知而貪得重賂。巧爲彌縫。勒迫道府。換供換卷。此番上疏。只報六人。將已死經年一名張仕俊。作活人問。徒將已死張子忠。楊文周。靳香李求奇。連光錫等五人。作活人釋放。伏惟我皇上如天好生。事關人命。苟有一線之路。令法司再三會議。乃李光地以無一死罪之案。夾死十二人。而不問我

皇上天地父母之仁。赦臣子之前愆。略臣子之隱過。

無非望其以實心報

國。乃李光地敢於日月照臨之下。三五百里之中。率領道府州縣共爲奸欺。以死爲生。見於章奏。使吏役驚駭。士民傳笑。而不顧利令智昏。天奪其魄。行同狗彘。大負

聖慈。臣不能與此賊並立于天地間矣。伏乞我

皇上乾斷。勅李光地將張仕俊等六人解到京師。則其奸欺畢露。卽或假名頂替。尚有死人家口可問。更有四夾棍殘廢未死兩人。陳浩郭憲章可

鞠。魁。魅。伎。獮。斷。無。所。逃。至。臣。當。年。勸。回。李。光。地。
之。事。現。有。李。光。地。親。筆。贈。詩。可。據。有。江。南。布。衣。
楊。文。言。可。問。李。光。地。具。呈。寧。海。縣。軍。一。節。現。有。
諭。憲。覺。霍。掃。可。閱。

輦。轂。至。近。李。光。地。敢。肆。奸。欺。至。此。況。臣。當。年。阻。隔。之。時。
促。膝。密。謀。之。事。雖。有。萬。苦。千。辛。苦。心。熱。血。何。由。
自。白。飲。恨。吞。聲。幾。三。十。載。今。明。知。光。地。線。
索。通。天。廣。植。黨。援。賄。賂。四。通。不。難。致。於。死。己。
拚。一。腔。心。血。投。命。于。我。

皇上之前但乞准

臣

對質一番真僞立分忠奸自判

一語若虛情甘寸斬倘此心得雪雖治臣以越
分妄言之罪亦甘受斧鉞瞑目而不悔矣緣係
剖白心迹事理字多逾格貼黃難盡伏惟

皇上睿鑒俯賜全覽施行

入鄉以家香聲數載此實辨免之一機也而吾
王素性慎重再三遲迴必不容上達且慮雷以過
剛取禍防範備至伏思犬馬之軀涓埃未報何
敢以私事重我

才翁上卷之三
王憂仍復結舌從此奸人益肆洗雪無期矣豈天
未悔禍將使大肆其毒耶抑盈其貫以俟時也
存此疏以誌恨云

夢雷謹識

告假疏

爲

聖恩高厚難報。子道一日未伸。謹冒懇

聖慈。暫賜假回數月。省墓願得終身報効事。臣不幸

爲耿逆餘黨。誣告諸王大臣。定臣死罪。蒙我

皇上特全其生。發往奉天。及

聖駕東巡。洞鑒臣冤。

特召至御榻前。

親賜垂問。遂准回京。師使侍

皇三子貝勒左右得以仰瞻

宮闕八年之內蒙

特恩三賜

御書及對聯又

賜御製詩集。非常寵榮。逾分逾等。雖生生世世粉骨
碎身。難以仰酬。

高厚。何敢遽以私情冒昧上瀆。獨是臣自奉
旨侍

皇子貝勒以來。蒙

貝勒慈恩撫恤備至每遇臣病尤加意憐憫欲臣保惜身體而臣致病之由實緣有刻刻痛心刻刻刺骨之隱不敢不冒死哀鳴于我

皇上之前痛臣自康熙十八年進京在刑部聽審時臣母在籍病故發遣奉天後臣父在籍身亡臣有父母而生皆不能奉養病皆未侍湯藥歿皆未親殮含葬皆未得臨穴慟哭猶偃仰偷生于世何以爲人向在奉天身爲罪人烏鳥私情何敢上達

天聽今蒙

聖恩寵榮至此竟不一念及父母則與禽獸何異何顏侍立

皇子之傍臣今年五十有六離家已二十八載每

逢歲時祭祀南望椎心泣血輒至昏暈今年己老傷心慟哭一次則臥病經旬誠恐一旦填溝壑則終身不知父母墳墓所在重爲

聖世之大罪人向以進京涓埃未報不敢遽及私情而臣本資性庸下加以日夜痛心之故凡事多

至昏忘雖讀書五十餘年閱歷不止萬卷而十不能舉其一。二深恐上負。

皇子貝勒使令是用竭力于數年之內。皆自黎明以至三鼓。手目不停。將家中所有書籍萬餘卷。自上古至元明。皆按代編次。共分類爲六千餘。約計可及三千六百餘卷。臣以獨力檢點。所抄寫之人。字畫粗率。未及校正舛誤之字尚多。然此書規模大略已定。先將凡例目錄。謄寫進呈。皇子貝勒其中或存或刪。或分或合。俟。

貝勒裁定之後聚集多人細加讎校。謄清進呈御覽得蒙我

皇上指示。方可成書。而臣數載之中。亦已精力俱竭。耳目俱昏。非稍休息。則元氣不能自支。是用瀝血冒懇我

皇上弘慈。乞暫

賜臣回鄉往返。不過七八个月。使得在父母墳墓哭奠一番。併將心跡大白。及蒙

聖恩高厚。前後受

賜寵榮告之墳墓使臣父母九泉之下頂戴合家大

小老幼長祝

聖壽萬年臣父平日以忠教子者終獲意外之榮微

臣一飯不忘

君者雖蒙誣謗終有見

天之日從此萬願俱足益得保養微軀或者更加強

健益得專心効力捐糜頂踵圖報

聖恩于無既矣

此疏修於丙戌之秋再三哀懇吾

王未蒙

賜允竟未得達

天聽從此遂患心痛之疾

夢雷

謹識

四十八年二月請假疏

爲

聖恩高厚難報。子道一日未酬。謹援
恩詔抱骨還鄉之例懇乞

賜暫假生回故鄉省墓。卽來京竭力報効事。臣不幸
爲耿逆餘黨誣告。諸王大臣定爲死罪。蒙我

皇上特恩發往奉天及

聖駕東巡。又念臣冤准回京師令侍

皇三子貝勒左右屢蒙

特恩三賜

御書及對聯又

賜御製詩集

龔榮逾等雖生生世世粉骨碎身難報

聖恩萬一寧敢以烏鳥私情上瀆獨是臣當年身羈

刑部之時

臣母在籍身故及發遣奉天之後臣

父在籍病亡

臣生俱不及奉養死俱未視殮含

而臣弟幼弱

又值家難父母草草葬埋俱未得

所今蒙

聖恩寵榮至此。竟不一念及父母墳墓。則與禽獸無異。何顏侍立。

皇子之傍伏讀。

恩詔有流人身故。妻子許抱骨還鄉之例。今臣幸蒙恩生還京師。謹援此例。懇乞

聖恩。准暫回故鄉。一視父母墳墓。哭奠一番。使父母九泉之下同戴。

聖恩高厚。仍卽星夜回京。卽一息餘年。尤思圖報。

聖恩于無旣矣。

四十九年請假疏

爲遵

旨暫假回籍省墓。卽來京竭力報効事。臣蒙我

皇上高天厚地之恩。粉骨碎身。無以爲報。何敢復顧
身家獨痛。臣前于康熙十九年內。羈禁刑部之
時。臣母在籍病故。康熙二十二年發遣奉天之
後。臣父在籍身亡。草草葬埋。至今未得塋墳墓
哭奠一番。日夜痛心泣血。伏讀從前

恩詔。皆有發遣人犯身故。許妻子抱骨還鄉之例。臣

蒙

特恩生回京師。謹援此例。于康熙四十八年二月內
求

皇三子誠親王代

奏暫假回籍省墓奉

旨明年啓

奏欽此。伏念臣離家已三十餘年。今年已六十歲。
在

皇三子誠親王門下効力已十二年。蒙我

皇上格外殊恩前後三

賜御書對聯及

御製詩集逾分顯榮。非犬馬微軀所能仰報萬一。至
衣食醫藥居處無一不蒙

皇三千誠親王賞賜實亦不忍旦夕暫離左右。但
以父母墳墓大事幸及未填溝壑求

暫假回家省視哭奠一番往返不過五六個月。則
萬願俱畢。此後未死之餘年無一刻非報

恩之日。臣心實迫切謹遵

松鶴止房文身
旨再具疏求

皇三子誠親王代

奏伏惟我

皇上以孝治天下乞

准臣暫回數月即來京圖報子子孫孫生生世世
啣結于無既矣